



Elisabet kim benna enam enkam u nuban gwë'ak, Alap ki zep zëre mo dam taha nakore zini Gabrielsa etan Galilea mo langnak de ëna Nazaret san dep zer soneka. Gabriel ki zep kwalbasa lam gunnu Maria osan dep song gweka. Zen Yusup hup de golgu gweblanna. Yusup mo auyan-azana teipsin zini Daud onakon.



Hwëna ki zep etan gubirki, “Bahem aïrïn, Maria, sap em ema Alap mo nwenak sam gwesi'ïra. Em esa u gwera. Zi walassa esa jaha gwera. Yesuskum bose ta. Zen sa teipsïli, hëndep dekam sa nen gweblal, ‘Alap Teipsïn Zi nik mo Tane.’ Bian Alap sa Desa gublula– Zen de Israelsa bi gwibin hip, zëre mo auyanna Daud Bak mo kim. Zen Zen sa hëndep denaban kïtak Yakob mo auyan-azana ïrik gïli.

Zëno ïrik gïnnï in molya tap gwek.”



Maria ki zep gubluk, “Hwëna ëe an homë zi mae naban gaing ë'an. Ëe banakan asa walas gwer?” Ki zep ding gulbirki, “Alap mo Enho sa ebon ing gwehe zala, hen Alap mo soson sa emsa bi gwibiri. Zen zep sa walas tola insa nen gweblal, ‘Zen Alap mo Tane— enho lalak enna.’”



Alap mo dam taha nakore zini in kim hli yulku,  
holo gwehan srëmnak Maria dekam zep hen  
sosen tola ban Yerusalem mo kwatap lang  
san dep song  
gwek– Zakaria ne  
Elisabet nik mo ë san  
dep. Zakaria mo golak  
kim hatak, ki zep  
Elisabetsa dawem  
gul kïnik.



Elisabet kim Maria mo dawemna insa salbik,  
ungala mwanak de walasna in dekam zep  
sosen gweka. Alap mo Enhona dekam zep  
Elisabetsa ing gwe hebirki,  
ki zep Mariasa ol  
mamkam gubik, “Em ene  
tingare we walya kon  
dawemna hlau'ura!  
Hen Alap eno walasna  
in hap dawemsa  
sa golblala.”



Kristus Yesussu de jaha gwenna in,  
zen ausuna a kirekam mo  
Iwakye: An zem in Maria,  
zen Yusup hup de golgu  
gweblanna. Hwëna nama  
de gon srëmnak zep  
u gwek. Hwëna Yusup  
hom anakan tame  
gu'unka, “Zen Alap  
mo Enho mo sostonkam  
u gwe'an.”



Yusup man tangan Musa mo titi tabin ola blikip gwesik gwibirki, zep Mariasa zë-en enlala gwibi'inka, “Ëe molyë gok, sap zen malinkim u gwe'an.” Zen dekam zep enlala gwe'anka, “Damnak de kira gwenkam, ki Maria mo bosena sa karek gwer. Zep sowëkam asa gubir, ‘Ëe ama emsa baes gwibi'in.’”





Zen kim dam gulsuku, “Asa ki Mariasa baes gwibir,” hwëna dekam zep ni tannak eisirkim Alap mo dam taha nakore zini gublu zaka, “Yusup, Daud Bak mo auyan-tane, bahem Mariasa de gon hap baes gwen. Sap Walasna insa u gwe'an, Zen Alap mo Enho mo ssonkam dena. Zen zi walassa sa jaha gwer.”



“Em Yesuskum bose ta, sap Zen in Zen sa zëre mo hli  
irin zini ngaya tabiri– zëno mae mo karek-kareksa de  
ngan gulsuzimdinkim.” Ni tan nakon kim luweka, hëndep  
in kirekam Alap modam taha nakore ziniin  
tonblaka, desan zep ki hëndep ang  
gweka. Hwëna Maria kim jaha gwe srëm  
gwe'ak, zen hom dekam nini apdekam  
la'ak. Walasna insa kim jaha gwek,  
Yusup dekam zep  
“Jesus” kum bose  
taka.



Dekam teipsin tangan zini ki, zen langna beya en  
tangan naka Roma kon irik gilki. Zen dekam zep tingare  
zisi de zere mo irik gin nika  
aitbin hip gubiridaka.



Tiingare zini dekam zep zëre mae mo auyan-aza mo ë-ë  
san dep sek gwendak– zëno mae mo bosem-sesa dikim  
zë ale tabir-zimdin hip.



Yusup ne Maria ne dekam zep hen kire hap Galilea mo langnak de ëna Nazaret kon Yerusalem mo langnak de aha ëna Betlehem san dep song ëk– teipsin zini Daudsa men zao orep jaha gwekke.




Sap Yusup mo auyan-azana Daud onakon. Zëbe hap de golgu gweblan wenya Maria in dekam u nuban gwë'ak.



Betlehemk hom tangan  
holo ë'ak, Maria ki zep zi  
walassa jaha gwek—  
nonol walassa.



Kaen hak-haknak zep  
tahalek, desa zep  
domba-sapi mo tembane  
ta gwen kolho makarenak  
drënek. Sap kitak de  
gol-gola mes zi  
enkam ëbeya  
gwek.





Sap kitak de gol-gola mes zi enkam ebeya gwek.



Langna iwe dekam domba zaho ta gwibin wenya man  
kam domba zaho zemka sonak kara dabi'ik. Hwëna  
Alap mo dam taha nakore zini ki zep  
zëbon mae onak jowe ane  
zaka, hen  
Bian mo  
ngatanna man  
zë zïlbirida  
anezak.



Karekkam zep zë äairi'ak. Hwëna Alap mo dam taha  
nakore zini in ki zep gubiridaka, “Bahem äairin, sap ëe  
an ol dawemsaë ebe mae hap  
golhatazimninzal.”



“Ola ansa de ësankam, tìngare zini sèrkam tangan sa  
ëisrip-sri gwer. Namen, Daud mo ënak, wenya man jaha  
gwer—emsa de ngaya tabin hip de  
Teipsin nika, Alap mensa  
dam  
tasikike.”



“Ol tan-tansaë ebe mae hap golzim'in: Em esa walas  
tolsa deyol hak-hakkam de tahalen naka hla lal. Domba  
mo tembane ta gwennak ta'ara. Zen  
dekam esa anakan dam

lasil,  
‘An Zen.’”



Ki zep hwëna mumuk ennak ahakore Alap mo dam taha  
nakore zini beya en tangankam ëjowezak,  
ki zep zë Alapsa isrip - srinëbla'ak,



“Alap Em eiwa  
teipsin tanganna!”



“Eno bosena dikire kītak teip nulsuk gweblak. Sap  
angkam ema okamanak de zi niban  
golēsēsək gwe'ara— ere mo nwenak  
men zen oto gwesi"inye.”



Alap mo dam taha nakore zini in kim etan ngatan zi mo lang san dep sesek gwesek, zini in dekam zep eguk, “Nen ki nabakam Betlehem san dep gweyo gwen— eka ki zë hla kuk, in desa Bian nësa gubiridandake.”





Ki zep hēndep sek gwek. Dekam zep  
hēndep Yusup ne Maria neka nakek, hen  
walas tola insa dekam zep hla dak-  
domba mo tembane ta gwen kolho  
makarenak de tannak.



In kim hla dak, dekam zep kitak donbiridak— walas tola in hap dena, men desa Alap mo dam tahana kore zini in tonbiridakaye.



Yesussu kim  
Yerusalem mo  
langnak de ëna  
Betlehemk jaha  
gwek, dekam  
teipsïnkïm

Herodes ïrik gïlkï. Hwëna dekam  
zep keis nikon de dam gulsuk gwen  
zini Yerusalemk yaïng gwezak.  
Zini in Israel kore naka hom.



Zëno mae mo langna  
yakla hata sezan  
san dekam. Zen zao  
zep ëtakensizik,  
“Yahudisa de  
teipsinkim irik  
gin

hip de walasna in, endawe nër hom  
jaha gwek? Ëe keissië yakla hata  
sezan san hla la gwe'an— dekon de  
dam tasin hipye. Zen in zebë yaing  
gwezal— walasna insa de bokle kom  
tablan naban isrip-sri gweblan hap.”



Herodes kim kirekam zëbon  
mae salka, dekam zep yakla  
hata sezan nakore keis  
nikon de dam gulsuk gwen  
zini insa sowëkam gu  
sonebiridaka– zëbon de  
yaïng gwezan hap. Zao zep  
takensibiridaka, “Keisni in  
bawalkame nonol hla lak?”



Kim takensibiridasikī,  
ki zep gubiridaka, “Emki  
Betlehem san sek gwen.  
Zao walas tola insa  
dawem enkam lëblak.  
Zao de hla tankam, asa etan  
en gublu kinzik— ëe akakim  
hen song gwek, bokle kom  
soblan naban de hen  
isrip-sri gweblan hap.”



Ki zep hēndep sek gwek, ki zep hen keisni mensa yakla hata sezan san nonol hla dak, etan hla dak. Dekam

tangan zep ëisrip-sri gwe'ak, sap keisni in man ngeirbirida'anka. Hēndep walas tola in zao gola ta'anka, zao en zep keisni in mo ngatanna zĩlsi'inka.



Gola iwe kim bitī gwek, zao zep walas tola insa an zem  
Maria han nake'ak. Zao zep hēndep ēutuk gwe hezan  
naban boklena kom dablazak. Dekam

zep zēre mae mo honnak de  
kire-kire bitī tahal zanna zēbe  
hap deisweblak, hēndep dekam

zep zēbe hap kap  
dablak– emasna, ir  
ase dawem nabare te  
kilī, hen ahana obat  
hap de te kil  
dawemsa.





Hwëna hla tan srëmnak Alap mes eisirkim anakan enlala sobiridaka, “Herodes osan bahem etan Iwan dahan.” Zep hëndep aha ora san zëre mae mo lang san dep Iwan dahak.



Keis nikon de dam gulsuk gwen  
wenya in kim Iwan dahak, Alap  
mo dam taha nakore zini ki  
zep eisirkim Yusup hon hata  
zaka. Zao zep gubluka,  
“Em luwen. Herodes  
man angkam eno nik mo  
walasna ansa tan hap de  
tëblan hap kalang  
gwe'ara.”





“Walas tola insa em Mesir sin  
dep ərheya gwen. Zao holokam  
ərgwë. Etan aen asa ebon  
hatazal– dekam de emsa  
anakan guzimdin hip,  
‘Angkam sap esa etan  
ərlwa hala.’” Yusup kim  
luwe zaka, dekam zep  
hëndep kam ərheya  
gwek.





Zao zep ërgwë gwëk, hëndep  
Herodes tìlkì. Zen kítak Alap  
mo dwam gwibin sin ki lwak—  
Alap mo ol ayang gul gwen  
zini men kirekam Yesus hup  
dena hamal hap anakan  
ayang gulkuke, “Ëe asa  
etan ëre mo Walasna  
Mesir kon kwang  
ta halzal.”





Herodes kim sap keis nikon de dam gulsuk gwen wenya insa kara gwibiridaka, hen anakan kim tame gulku, “Zen hom asa nen gublu künzi'an. Man asa ahap da guk künzik.” Dekam tangan zep jal gweka.



Dekam zep zëre mo jana nabare  
zisigubiridaka– Betlehemk hen  
zëno golek denak de ë-ë san  
de zi walassa tamerandan hap,  
dare tahun nakon olk san dep.



Sap in kirekam keis nikon de  
dam gulsuk gwen zini in benna  
hen tahunna anakan nen  
gublu kinzikke, “Nonol  
tangannadekam hata seka.”



Herodes kim tülkï, Yusup ne  
dekam nama Mesirk ërgwë'ak.  
Dekam zep etan Alap mo dam  
taha nakore zini zëbon  
eisirkim hata zaka. Zao zep  
gubluka, “Em luwen.  
Angkam sap esa walas  
om in han etan Israel  
san dep ërlwa hala.”





“Sap teipsin zini men zen  
eno nik mo walasna insa de  
tan hap goläalp gwe'anka,  
zen mes angkam tilki.”



Hwëna kim etan salka,  
“Angkam Yerusalem  
mo langnak Herodes  
mo tanena Arkelaus  
Bak bi zik mo  
weinak



teipsïnkïm ïrik gi'ira,”  
dekam zep hwëna desan de etan  
ërsong gwen hap aïri'anka.



Hwëna Bian zep etan eisirkim gubluka, “Galilea san  
ërsong gwe.” Dekam  
zep desan ërsong gwek.  
Zao zep ë bosena  
Nazaret ërgwë  
gwek.

Zen kïtak Alap  
mo dwam gwibin sin ki  
lwak— men kirekam Alap mo ol ayang  
gul gwen zini orep zëbe hap dena ayang nul  
gwekke, “Zen Nazaret walkam sa nen gweblal.”



Alap man  
okamanak de zisi  
sërkam kwasang gwibirida gweka,  
hëndep zep zëre mo Tane aha-erena  
zer sonezimki– dekakim tingan men  
zen Desa daïbli gwebla'ak hëndep  
denaban juwe srëm gwëk, hwëna  
hëndep de ëngaya gwen hap  
denaka sa hla nul.



Roma 3:23 hwëna kitak kareksa nulin halasen gwenan, hëndep zep Alap zëre onakon mes ëlanga gwesik hen kawesinnik lowehe gwenan.

Roma 6:23 Sap kareksa de gol gwenkam, dekam hwëna tïn hip de ora san esa ang tal. Hwëna Bian Kristus Yesus hun de zeraha-en gwenkam, dekam Alap hëndep de gwën hap dena totoresa nëbe mae hap gol gwizimnira.

Ibrani 9:27 Sap Alap mes tïngare zini nësa anakan gubiridaka, “Zen aha-rok ' nen sa juwe gwer, ki asa hwëna klis gul.”

Efesus 2:8,9 Zep nen mese Alap mo kwasang-kwasang nakon ëngaya gwek— in kime Yesussu laïbliëblakke. Nëre mae mo syala kon home ëngaya gwe ' an. Zen Alap totoresa nëp gol gwizim ' ira. Nen home mae ba maena syal eibik— dekam de ëngaya gwen hap denaye. Zep toton nara dep?— bola-bola gwenna.



Roma 10:9,10 Sap em de ere mo enho nakore taibliblanna insa zi mo inik anakan kira gunnu, “Yesus Zen ano Teipsinni,” hen enho nakon de anakan taibliblanna, “Desa eiwa mes Alap tin nikon ngaya taka,” ki em hen esa ngaya gwera. Sap em de enho nakon taibliblankam, dekam em mese Alap mo nwenak dakastilida. Hen ere mo taibliblanna insa de zi mo inik kira gunnu, dekam em mese ngaya gwenda.

Yohanis 3:16,17 Alap man okamanak de zisi serkam kwasang gwibirida gweka, hendep zep zere mo Tane aha-erena zer sonezimki— dekakim tingan men zen Desa daibli gwebla ' ak hendep denaban juwe srem gwek, hwena hendep de engaya gwen hap denaka sa hla nul.

Alap zere mo Tanena in nesa de karek tabin hip hom zer sonaka, hwena dekam de Zebon onakon nesa ngaya tabin hip.



1 Yohanis 5:11-13 Hwëna Alap sap mes anakan eiwa de gul gwizimki, “Ëre mo Tane naban de zeraha-en gwen wenya kip, Ëe mesë hëndep de ëngaya gwen hap dena golzimk.” Men zen Tane zemka taïbliblankam nëraha-en gwe ' an, zen mes hëndep de ëngaya gwen hap dena nulin. Hwëna men zen nëraha-en gwe srëm gwe ' an, zen hom nul in ' in. Em in zen kirekam laïblihlak, ëe in zebë kire hap denaka de ebe mae hap ale gulzimdin hip dwam gwer– em dikim anakan ëtawa gwen hap, “Ëe mesë hëndep de ëngaya gwen hap dena insa ulink.”



Matius 1-2; Lukas 1-2

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter; Sarah S.

Orya NT (ury) © 2005, Wycliffe Bible Translators, Inc. All  
rights reserved.

<https://live.bible.is/bible/URYAOV/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

